

| | |
|-----------|------------------|
| Newspaper | BERITA HARIAN |
| Date | 21 NOVEMBER 2016 |

Dr M cakap tak serupa bikin: Najib

BH - 21/11/2016

➔ Tindakan bersekongkol dengan Bersih 5 berbeza ketika menjadi PM

Daripada Ahmad Zaini Kamaruzzaman di Lima, Peru
madzaini@bh.com.my

Perdana Menteri, Datuk Seri Najib Razak berkata, penyertaan Tun Dr Mahathir Mohamad dalam perhimpunan Bersih 5 kelmarin, membuktikan sikapnya yang 'cakap tak serupa bikin'.

Beliau berkata, ia menunjukkan Dr Mahathir melakukan perkara yang berbeza dengan tindakannya ketika menjadi Perdana Menteri.

Katanya, apa yang disuarakan Dr Mahathir mengenai kedudukan ekonomi negara adalah cakap-cakap politik tanpa disokong fakta dan agensi penarafan serta badan

antarabangsa seperti Tabung Kewangan Dunia (IMF) atau Bank Dunia.

"Jika kita ada krisis ekonomi, sudah tentu agensi penarafan akan turunkan rating. IMF dan Bank Dunia akan tegur dan bincang langkah perlu dilakukan oleh kerajaan," katanya kepada media Malaysia di sini, semalam.

Perdana Menteri ditanya mengenai kehadiran Dr Mahathir dalam perhimpunan Bersih 5 kelmarin yang secara keseluruhannya tidak mendapat sambutan seperti diharapkan penganjur.

Najib berada di Peru sejak kelmarin untuk menghadiri sidang kemuncak Kerjasama Ekonomi Asia Pasifik (APEC).

Beliau berkata, ketiadaan tindakan oleh agensi antarabangsa itu



Apa yang disuarakan Dr Mahathir mengenai kedudukan ekonomi negara adalah cakap-cakap politik tanpa disokong fakta dan agensi penarafan serta badan antarabangsa seperti Tabung Kewangan Dunia (IMF) atau Bank Dunia"

Najib Razak,
Perdana Menteri

membuktikan urus tadbir negara berjalan dengan baik.

Rakyat bosan sertai Bersih

Mengenai sambutan hambar Bersih 5, Najib berkata, rakyat sudah bosan untuk menyertainya kerana yakin ia tidak memberikan faedah kepada negara.

"Kalau nak tumbangkan kerajaan, ini bukan cara yang sah. Kita sebagai rakyat mesti junjung undang-undang. Jika tidak, negara akan jadi huru-hara dan rakyat menderita," katanya.

Beliau berkata, kerajaan akan terus fokus kepada pentadbiran bagi memastikan setiap program dirancang sampai kepada rakyat.

"Tiada sebab untuk kita rasa cemas, malah rating (penarafan) masih dalam kategori A," katanya.